



渭上續稿卷之九

關中南軒叔後庸著

書

答督學許敬菴

僕山居寡陋無緣一就有道以正迷津踽踽碌碌日惟荒墜是懼使至拜辱瑤札瓊編忉然卒業即領教發矇益我寔多矣夫聖學正印唯在大學古本一編而門下所述又獨詳闡前賢所未發首挈誠意先得我心矣顧自媿愧惰無能深造實踐耳伏聞門下大集諸生于書院開示

正學俾知嚮往自是關中人士當有歛然興者孰非門下所嘉惠耶珮服珮服太華之遊固所願也恭竢試事竣當即振衣請教用展宿悵焉腆貺拜嘉謹謝殊慚涼薄無可為報耳新梓拙稿乃豚兒暨門人輩謬集以備遺亡者誠出醜矣恃愛呈覽惟有道不靳批誨庶不傳笑大方也至望至懇

答都撫趙公

軒僕遼山人也乃兩辱尊札重以腆錫恭稔高誼存念山人愛隆隆厚矣拜嘉感珮言曷可既

承諭穀賤傷農窮且徹骨即此一念百姓受惠詎有涯邪夫關中當大飢後閭閻懸罄甚矣徵輸之係邊儲者例不得蠲固也而祿糧驛站泊諸條編又徵無停時以故穀價之賤百年來所未睹聞雖昨年稍登即辦徵不足其將何以哺嗷嗷之民邪伏聞台慈垂憫窮黎凡所徵派除邊餉不容緩外一切酌從裁省又嚴禁侵漁百司率度數月來泓澤旁流頌聲載道昔人謂寬一分則民受一分之賜况所寬者多邪軒素愚直承高明下問輒以實聞非敢為諛也使者倚

馬待報謹此用申謝私猝猝不宣幸惟 垂照

與門人田若彭

不穀自分僕邀乃辱足下雅念一日之知遂定
百年之契且沃被治波重叨教愛感德銘心良
非怕交埒矣嘗謂足下讜猷峻績播在中外即
開府握樞固所宜也胡今好事者謬淆蒼素乃
有意外處邪聞報愕然憤惋者久之亟圖一晤
少輸別懷顧騶從戴星而西區區病體又不敢
衝風遠出有懷莫展悵歎且柰何哉然惟直道
在我有屈必伸頃之公論既定當路推轂即一

日三公可立竦矣足下雅稱有道諒不以此介
懷且過庭戲彩暫紓養志宿衷亦人生大樂也
惟高明若時頤神以需大用懇懇力疾戒佻遙
申候悃躋仰旌節後晤未期更惟鴻便不靳函
教至望至望

與張首岑

往不穀叨附尊甫相公驥尾讀書中秘謬辱尊
甫不鄙寡陋引而置諸知己之列日與乾菴兄
共飲饌披襟譚道洎二老締世姻而同年同館
中又獨不穀得廁晏會末當是時即骨肉昆弟

無異矣是後升沉萍跡中外各天雖不穀踈躄
自外於相門而耿耿感舊懷德之私則未嘗一
日不傾注也屬聞尊甫仙逝無論憶昔愴今而
為 國家折棟蒼生失望乃鄙衷固悒悒悲慟
者久之亟圖趨吊顧不幸年來屢遭骨肉之變
老景感懷痰火時作以故諸唁問槩從稽滯豈
獨於同袍相府敢忘情邪頃騶從道渭上伏塵
臨顧重以厚遺仰荷雅度敦舊不以閭畧見弃
也且感且媿老年病體竟不能策杖渡河躬展
積情輒函尺書專倅走謝兼布候私薄奠具之

良父敢煩從者陳之尊甫主前用表一念生芻
之忱惟足下不以遲慢見拒為幸令弟華岑不
敢別啓更望道意不盡不盡

與門人俞文達

往季子師仲數從轂下歸乃即數辱翰貺且數
道足下念我眷眷不置雅誼高情良隆隆厚矣
此其中詎可與俗子世交論哉感之珮之足下
邃學雄文夙負廷撰之望顧數竒筮仕琴堂不
穀恨然不平者久之無何聞足下微猷偉績數
騰布露章乃英聲遂燁燁動轂下矣私擬

召陟臺省列司耳目無疑也顧且擢補司徒郎
夫司徒郎固亦右曹也然以待循良最則非其
職矣不穀又竊不平者久之雖然通方之才不
局於地大觀之度不沮於時要在持已信心隨
所任而功澤加於當世爾矣足下固經世遠到
器也 國家用人又未嘗以資格限焉足下所
素負荷者何如詎肯以遲速炎涼少自抑損而
不穀乃喋喋若是者蓋以素所期待於足下者
甚遠且大也私懷之耿耿顧獨能嘿嘿爾哉重
唯高明亮之不穀伏在山中苟延古稀之年竊

享太平之福幸矣顧數年來積譴重深屢遭骨
肉之變老景感懷慟何可言然且日與二三門
人泊子孫輩譚道課業頗覺怡豫或可更衍餘
年耳區區動定諒知己所欲聞故復縷縷季子
赴試南宮特用濡素致候起居言不書意更唯
亮在

與門人詹汝欽

不穀謬以一時之知夙忝英賢之愛倏越廿年
久矣聞問雖踈而懷交誼慕風采則未嘗一日
不馳神左右也往聞讜疏批鱗聲震 朝野不

澗山紀和 卷九 五
穀固竊為吾道沾沾喜乃後公車賜環仍服外
寮論者胥謂非優忠賢答輿望也屬聞游陟都
臺懋膺 簡注即振紀翊運宏弼 聖猷固足
下所素抱不穀所夙期許者而輿情稱愜蒼生
蒙福又奚翅區區一人慶忭云哉不穀伏在山
中尺書不通當路者且十載矣獨於足下耿耿
不能已輒勒短札乘便致候起居惟 亮在為
幸

與周槐村

仰惟足下德誼聞望夙重月日不穀私懷傾注

固已有年往季子登龍領教回乃不穀獲覩佳
刻而卒業焉滄欲之議古雅之詞卓然獨步漢
魏盛唐作者之踪誠足睥睨時流垂範後學為
鄉邦增重無涯矣珮服曷可言既不穀踽踽索
居雖亦努力效頰殊媿嵒窳無當不能窺大方
之門戶輒敢塵覽僭白誨益惟足下不以下里
見拒特賜郢正為幸客歲賢嗣枉過寒廬乃不
穀有事先壠無緣一晤無何聞登第報竊為足
下稱濟美慶者久之乃又沓沓未展一賀歉慙
如之何季子往候輒布宿悰敬訊台祉躋企仙

問無能抵掌一傾積愫臨發不任懽悵

答陳陸亭憲使

古謂海內知己天涯比鄰夫固有味乎其言之
矣數月來兩拜瑤函頻辱大雅而仙圖珍貺光
賁山圻領教沐惠恍若時侍春風者所謂知己
比鄰非邪珮服何如浣慰何如曩鄙作直寫曾
臆請教大方蓋唯恃在知己云爾而季豚乃亦
妄恃尊愛效嘖請益自分下里豈敢言詩顧未
蒙郢正而推許嘉獎至以天寶大曆諸名家比
倫過矣不惟愚父子不敢當亦非所望於大方

知己意也更句不靳指南直示批教為幸仰惟
老丈履端集慶壽祉日升弟顧伏在千里外不
能遙致椒觴之祝而區區賤辰乃辱老丈念存
仰荷骨肉至愛感媿又可喻哉揚使行謹勒尺
書附申謝悃亟欲勉和佳章顧冗奪弗克構思
而揚使倚馬索報宿懷種種頃之當嗣上也

與姜養克督學

軒不穀夙附尊甫翁丈驥尾叨從館末無何散
館異署而不穀乃獨過辱尊翁畧迹信心引為
知己願教沐愛固非恒交面友者埒卅餘年來

感珮私衷非言可盡顧升沉各天聞問久踈而
渭樹江雲則未嘗一日不耿耿馳神也仰惟門
下家學淵源斯文赤幟不穀蓋亦私切傾慕久
矣屬聞榮膺簡命督學我關中竊為關中士
子得所依歸慶且為得候尊翁台祉幸也洎旌
輿過山城乃未獲一煩典謁有懷未展歎慙何
可言即辰文星臨照西京化雨旁敷山川增耀
顧不穀踽踽山林未敢妄詣門下躬致鄙私乃
輒專倅上書代布賀忱兼訊尊翁無疆壽祉率
爾塵瀆幸惟台鑒

答制府確菴魏公

屬聞老夫屢疏請假亦竊窺見微意既見邸報
末一疏則門下委質之忠匡時之畧懇懇切直
誠足懲往弊答輿望也然聖旨唯暫准調理
而於疏中所陳未見速議允行此其中若有梗
之者可慨也承諭主上有用門下所言意果
爾則可便益從事大展徽猷矣地方之福邦家
之慶可勝道哉劣弟伏在山中既聞老夫唯暫
調理又數聞虜酋訖不出邊患在叵測私計節
鉞趨命視事當在此時無疑也方圖遣倅走

送適使者捧尊札至乃知節鉞已西上信宿矣
夫當兵務倥傯之際猶且垂念山人教言盈幅
情誼藹然老夫之用愛至厚矣顧劣弟悠悠踈
惰追送靡及悵歉如之何仰惟老夫一出遐邇
籍籍稱幸胥謂長城自是可永固而全陝人士
可永賴案堵無虞也奚翅區區山人踴望凱歌
云哉真切真切使者索報急輒率爾裁謝不盡
所欲言頃之當專倅上書敬致候私也秋風漸
肅邊務旁午懇惟高明為 國玆攝以迓天寵
慰群情弟臨發無任瞻戀

答制府確菴魏公

軒抱河山居亦嘗竊聞措紳中譚邊事輒妄懷
杞人憂乃日夜望老夫出而振刷底定者久且
切矣洎聞節鉞臨鎮凡所注措務在改絃祛弊
節費清戎信賞罰以作士氣即將士用命威靈
大振屬者先聲遠懾虜酋業已縮首遜去邇聞
榆林大捷又是威震漠南無前之殊勲也自今
觀之戰市果孰優邪敬服何如忻忭何如顧無
能躬詣臺下抵掌稱慶乃鄙懷則固愴然馳矣
仰惟三位賢嗣皆英才宏抱久當高掇大魁者

顧且暫蹶驕蹄謂非鶚舉鵬搏固自有時邪頃
之翀霄振世無疑矣小孫居益鯁生末學濫廁
賢書老景值此仗苴實多乃辱台慈垂念世誼
旗扁豐貺前已光賁寒問矣茲復遙拜教言之
辱重以腆儀之惠領教沐愛奚啻骨肉厚也私
衷感珮又可頰舌盡哉對使率爾陳謝未罄濯
懷惟台鑒幸甚

奉相公東野先生

恭惟台下道隆經濟重望斗山康世翊運之勲
勒在鼎彝而題才啓事之鑑頌溢楮紳蓋籍籍

孚海內矣軒也恠情凡品夙忝甄收當台下宰
天部時不謂軒非才也令肩司銓之任會分宜
罷相朝紀更新而逐黨汲賢任怨寔獨多矣
幸仗台下秉公持衡主張國是屹若砥柱之
回瀾軒於是特感知遇之深畢力奉公兢兢以
圖報稱顧六選將竣而台下聞訃遂行乃嚙者
輒乘機肆詆俾改南銓尋遷蜀臬乃嚙者又中
傷之謫守壽春後雖稍遷東藩而又忤政府遂
致長休矣自分顛直不能周容趨時咎寔自掇
奚敢人尤第奉職無狀有負知遇每憶及輒媿

汗簌簌下耳坐是踽踽山中日惟杜門思過且
十餘年來屢遭骨肉之傷衰齡感抱形神俱瘁
以故諸交際聞問咸從廢閣即於台下乃亦久
缺申候踈慵罪戾其何說之辭然懷德依庥則
未嘗不趨足馳神也薛佺來拜辱尊札仰悉台
慈垂念舊屬不以遐遺且諭及館誼銓事益荷
知遇之深久而弗替也夫以僕邀廢人過蒙達
尊名公知愛若是視彼周容通顯者不獲見齒
於台下將孰為得哉鄙衷感刻固自莫可既矣
仰惟台下勲崇柱石壽並岡陵而麟趾鳳毛振

振濟美即三槐五桂不啻矣軒夙叨洪范濫廁
世講之末分輝稱慶又詎有涖哉謹勒蕪牘專
佺齋上肅布候安之忱兼申傾仰之情伏惟台
下若時葆神永綏天和以介無疆壽祉而樂觀
螽斯之式穀是則不肖竊效封人之祝以報知
遇於無斃者顧彰雲在望不能一蹴躬展宿衷
言不盡意臨發悵然更惟俯賜鑒存至幸至懇

與劉泗洲中丞

門下開府長安撫奠我西土即西土人士望見
干旄率歡忻鼓舞百倍恒情謂十年之願一朝

獲申矣蓋緣丙子之季門下以柱下史案治三秦其所覆露三秦者更僕未易悉彼時人士咸願門下即膺撫巡寄得以久被沃澤廼門下旋上西臺參侍近列軒從田間時聞直氣讜猷赫燁中外凡我人士延頸函關紫氣不啻饑渴蓋十餘年一日也乃當事者以邊疆多事思得忠蓋不二心之臣以托一面又竟不得舍門下門下西來時軒獲一侍春風竊歎以門下雅望宏才尚令驅馳邊疆殊為當事者悒然歎之已而西夏變起千里動搖門下居中調度其運籌決

勝之筴一時籍籍稱最卒令黠虜遁牧逆賊就擒俾關以西得安枕而卧者門下之力居多也於是簡在 帝心懋膺新 命誠以瘡痍之後正賴拊循非門下頡頏其孰當之且秦中徃歲不秋黔首流移加之兵革頓起催科戒嚴元氣銷耗于今殆甚軒時時竊念之今 主上提關以西禪之門下誰謂太平不立奏也忭慰何量軒不穀以豚兒濫竊陶鑄其辱惠沃愛亦既久且深矣安敢不一稱賀敬勒蕪牘特令豚兒走致臺下顧山人不敢僭入公門冒煩典謁且不

清山紀事 卷九 十一
敢以幣將伏冀俯賜鑒原即山人有厚幸焉

答許敬菴司馬

往不穀在留署足下以同志締交辱在知己今閱卅年久矣當足下督學關中時獨以正學陶士類即士知趨向文風丕變今猶籍籍頌休無數不穀愧惰山人也數辱臨教譚道披襟非他恒情埒劣孫居益且謬辱造就每以遠到期之懷德寧有既邪顧別來九越歲鑰聞問頓踈而傾仰私衷則未嘗不憬然馳馬屬睹邸報知足下榮陟八座台望日隆足信君子道長正氣大

伸矣浣慰何如遙承札教惠以厚遺不謂空谷足音從天而下邪門下之敦舊迥出塵俗上矣展誦敬和堂集仰見經濟宏猷大禪化理洎玩學庸二述竊窺斯文正印獨闡前賢所未發而時義一編又惓惓造士盛意也山居寡陋茅塞頓開受益詎可淺尠云哉銘珮繫又何如曩不自揆嘗以稿序妄丐大筆業已慨然諾矣南中多暇敢企終諾用垂不朽奚翅連城重邪至懇至懇外俚刻三種僭呈覽教惟大方不靳郢正為幸對使裁謝未罄宿衷大江饒鯉倘足下不

我遐遺更惟便惠尺素是望

與河汀王年丈

屬承教言念及愚豚登第且以雕蟲之技期許
館選今果如左券矣兄丈雅不虛譽人一聞邸
報諒必忤然解頤蓋為世誼喜藻鑑符也弟也
暮年值此而不怡然舞眉豈情哉惟是同袍兄
弟唯吾丈並確菴兄暨劣弟環居百里而近迺
寥寥歷數歲不能一晤話展衷悰每憶及輒悵
然歎憬然馳焉夫以兄丈宏猷碩望今且高卧
隆中確菴兄西夏奇勲公論雖明然尚未見優

錄人情時事此其中固難言之矣弟幽居竊睇
未嘗不為二兄慨世道嘆也仰惟兄丈邃養足
標三秦著作足垂百代即睥睨時流脫畧世故
逍遙河華之間俯仰天地之際自是願神延年
篤生麟趾未艾也即一日三公可易此哉曩嘗
以主靜養氣之說謬陳門下未審有裨忠告萬
一否日來弄璋之喜何如老年知己不能披襟
面譚則時常為兄丈祝多男矣真切真切徃以
拙稿辱賜名言其增價奚翅連城重哉顧衰年
抱疴日理藥餌乃踽踽數易歲籥未申報私歉

涇川系系 卷九 十四
惡曷可言特濡尺書肅申謝悃因布馳慕宿秉
若此統惟鑒存為幸

與思白董翰編

軒衰老山人也自棄于當世賢豪之側久矣不
謂竊有天幸苟延八袞以豚兒通籍獲奉長者
衣衿而不穀亦獲遙奉音徽曷勝忭慰然又不
謂徼惠名世之言以榮施不穀惟是主臣何以
槩于門下媿媿數百言昭揭不朽也語云讀其
文想見其人其在門下即多所假借不穀曷敢
任萬分一而玄言獨詣華藻駢敷取足寸心妙

符千古不穀寔切向往焉稔聞下為長厚沉毅
君子也請得以垂朽之年為奉教之日可乎不
穀嘗有志千秋之業用薄技叨列虎觀雖尋以
憂去亦才下未克卒業耳後代匱主爵署中復
出為藩臬乃踽踽渭上而老者二十年所齟齬
可知已往年見豚兒刻意雕虫浪有諸生間名
輒譙讓之以為丈夫抗身服義母得崇華沒實
且名者實之賓也世知者希孰與忌者之多而
乃冒冒若是何為者嗟乎斯不穀所以躑躅仕
進之途幾三十年而竿瑟亡當者也豚兒竊伏

滄上經手 卷九 十五
寵靈復從諸君子後讀中秘書不穀誠惴惴焉
恐不免于覆轍之誚幸辱先達知遇惓惓接引
俾知淬礪以就令德不沾沾于一切浮薄之名
寧惟大有造于豚兒即不穀夙有矢報 闕下
之心或稍假此息以終而齎志無憾者唯門下
是依爾項豚兒寓書于不穀亦頗能津津道所
結內海內之莫然獨亟口門下誼至高得夫子
而名益章又不穀所滋懼焉未易副也不穀雖
老耄哉而寤寐仁賢志猶未衰得雄篇尚能恭
誦潛玩蓋不啻奉眉宇聆緒論矣慕義由衷不

覺喋喋如是謹勒尺一專力付豚兒所令豚兒
代不穀九頓以謝兼候台禧懇惟門下亮之翹
首雲霄無任瞻企

與霍林湯翰編

不穀關西僕遼人也往以薄遊白下見大江以
南山川秀竒毓為人文獨標海內低回慨慕者
久之亡論握槩抽毫振藻詞林 明興以來公
卿輩出坐收台鼎殊勲者曷可勝紀然未有聯
翩崛起裒然 大庭之上並先臚傳如門下三
君者即山澤野夫咸忻忻籍籍慶 廟堂之得

人揚吳中之盛媿矣乃不穀以豚兒叨附驥尾
尤私竊有厚幸焉往不穀當世廟時亦濫叨
天錄之選顧以駑下未克卒業棲渭上而老者
且二十年所分隨麋鹿樂泉石得正而斃焉已
矣願安所自見于當世賢豪之側不謂過徼天
幸苟延八袞見季子射策復從諸君子後讀中
秘書夫豚兒么膺無似何克任著作之役與諸
君子鴈行進而妄冀免于覆轍之誚惟門下不
靳督誨俾知淬礪庶幾無玷清華之班以稍償
不穀夙夕夫報闕下之心寧唯豚兒得稱孝

于不穀戴門下錫類之仁不穀且與有榮施而
不腆箕裘賴有歸矣是誰之賜也私衷銘鏤已
自無既頃以丘壑子遺尚有縣孤之期至煩名
公寵錫瑤章即其詞多獎借不穀媿無以當而
是用不朽敢不奉以藏之家塾令子孫世世諷
誦荷德無已時也且不穀固潦倒哉幸不憤眊
猶能展玩雄製曠然發矇蓋不勝寤寐之私矣
感珮又奚足云唯是延頸以待門下不次拜相
俾八十逸老猶及霑太平餘閏耳敬裁尺一馳
使付豚兒令代不穀九頓以謝更惟門下覽而

亮之是又不毅恃愛所耿耿馳神者也

答中丞春容賈公

仰惟門下齋仁澌澤往洽關中僕從父老後依
棠蔭而歌孔適者舊矣爰自宏猷懋著于諫垣
殊勲昭灼于開府蒼生屬望 廟堂倚毗則播
紳先生類能言之而僕與父老族圖所為尸祝
門下者恨不旦夕建麾關中以覆露我士民今
茲賴 天之靈幸獲所願豈第以區區綰帶之
知私竊踊躍已哉蓋秦地北邊匈奴三鎮之烽
燧孔棘而軍興仰給關輔者歲數十萬緡且每

歲秋防輒勞節鉞出鎮朔方其發軔訂謀運籌
石畫非若三鎮得一意備胡者埒矧關輔故稱
沃野顧以頻年市虜兼當朔方震蕩之餘夫虜
既黠詐背盟如景不可搏加之燠旱為虐軍需
歲增室家且縣罄矣而 尚方杼柚之役又加
嚴焉百姓罷于奔命而嗷嗷待哺者在在可憫
也即欲內拊疲黎外制黠虜之命非得威惠並
宣如古文武吉甫者可乎 主上明見萬里亟
簡頎頎既拊髀而授鉞門下以嘉惠我西土則
門下習諳茲土者素矣夷情民隱必有畫諸掌

渭上續稿卷之十
上者安攘非常之烈在高明奚自讓焉僕八十
耄矣菟裘二十年所分與漁綸樵斧相沉冥何
以自見于賢豪長者之前且伏處部內安得妄
言世務第過辱存問榮施蘅茝恭誦札教又多
虛懷遜抑之詞感激由衷不知所云兒輩么膺
叨列虎觀銓曹兩地皆僕舊遊所齟齬奉職無
狀者恐不免于覆轍之誚敢微督誨俾無貽玷
世誼僕竊有厚幸焉肅此申謝辰下東皇開泰
台祉日升私懷曷任瞻依第以臺端清嚴不敢
輒以尺書冒瀆典謁惟有耿耿
卷九

渭上續稿卷之十

關中南軒叔後甫著

墓志

明故中橋秦公墓志銘

秦中橋公者關中渭南人也名自省字孟治世
居酒渭二水間號中橋於是人稱中橋公云萬
曆丙戌春公年七十高矣會其子隣晉舉進士
報至親舊之持觴往賀者日填門咸曰中橋公
有子若是即樂而壽即百歲不啻矣迺於是年
七月六日遽以疾終君子曰天道胡可知也頃

之隣晉奔自京師卜是年十月九日葬公城西
青原坪迺先期持狀詣其業師易谷子請銘易
谷子曰嗟乎余也習於中橋公家世久矣顧安
可辭也公之父曰黃谷君者嘗與先大夫為文
社友余夙聆其緒論其兄曰靈源子者又嘗從
先大夫遊與余同筆硯是在嘉靖辛卯甲午間
其父若兄皆為邑諸生而中橋公尚在冲年迺
克躬代產務不惜跋涉以故父兄得專力於學
翩翩為西京名士云無何中橋公既失父而伯
氏尋亦捐館舍熒熒子立顧獨執喪成禮而賓

客之會葬者填閭巷焉邑長吏察其賢為復其
事且錫之質要中橋公竟辭弗受乙卯關中地
大震母孟罹其變公又熒熒成禮而會葬者視
昔倍之矣世父有遺女公視之不啻同胞一妹
幼父母未為之有行公特厚其奩嫁之家無擔
石儲顧雅好施予結賓客家計坐蕭然矣是時
隣晉方垂齧有異質中橋公遣就外傳且蚤夜
督指不憚鄭重亡何進為邑諸生既廩公謂隣
晉而幸叨升斗已稍稍適晦朔吾寧他覲哉第
先人之不瞑目者獨一第耳而能勉究先人志

吾之願也隣晉於是益遜志力學萬曆壬午舉
于鄉邑長吏以公壽且賢聞於部使者爵一級
公又辭曰一廛之氓終不能束帶鄉里矣邑長
吏強之冠然一冠輒已足跡竟不至公門邑長
吏時且存問公輒稱下堂疾其高尚如此中橋
公性曠達善酒有古俠士風故雖居臨市廛即
里中少年譚聲利較輜銖若將浼焉口浚浚不
忍道人短有爭者得公居間動舔談罷去人益
以此附公居常遇親舊歡然道故飲輒數斗酒
酣耳熱又輒擊節烏烏歌焉及隣晉舉進士中

橋公曰吾兒幸哀然子大夫後先人之志竟矣
吾願足矣乃日益狂歌縱飲遂成酒疴溘焉長
逝悲夫君子曰中橋公善酒而不酒曠達而不
弛居家厚倫辭爵服義足稱全歸矣而又教子
成名克竟前志詎可與鹿車杖頭徒適已志者
倫邪雖曰未學謂之學矣公生正德十二年九
月廿日配李氏栢操女生二子長即隣晉娶辛
氏守已女次成晉聘王氏驛丞雲霄女女二一
適劉應祿一適辛朝統按公上世莫可攷矣七
世祖國寶者始占籍渭南兩傳至孝謙有逸行

謙生鑑鑑生愷以輸粟賑貧爵一級愷生漢即黃谷君配孟氏生二子長自脩即靈源子中橋公其仲云銘曰

孰植匪木氣滋迺峯孰執匪穀土腴迺豐孰脩匪德善積迺崇裕不以財貴不以爵遜名厚施酣歌自侘連比先民抱真守約有美維公既樂且壽孝友貽謀克昌厥后麟趾發祥百福是轉維南有原嶺如塘如維北有川滄如決如維中有冢芥如堂如百千萬禩累如煌如於維公哉

明故直隸靈壽令小山康君墓志銘

嗟乎天生丈夫負卓犖之才博雅之學顧不能究功澤於世用識者寧不為之扼腕興慨邪然能隨分効職間且立言名世則又未嘗不慙慙興羨焉余觀小山康君而有感矣故特述其行而銘諸墓以視不朽云君諱榕字子秀號小山今宇內所稱康太史對山先生子也先生當孝宗時廷對賜進士第一是時國朝詩文賴三五君子崛然復古先生實首倡焉且翫骸睥睨一世以故政府忌之官脩撰八年不遷竟以孽閹同里遂濫及先生回籍公論至今惜之事詳

馬谿田王漢陂二公所撰志碑中先生生二子
長栗尚安人出垂髫即能屬古文詞尋病卒有
子寬集傳世次即小山君側室韓氏出當韓卒
時君方七歲無何先生又捐館繼室季氏撫之
始就外傳學日進屬文不作時語縱橫數百言
立就弱冠進為邑諸生甚為督學六泉顧公所
器重蓋謂其有太史先生風云君生而魁岸倣
儻性敏氣豪既為諸生即自奮曰吾以孤身承
累世業若不刻意振立徒泄泄惰窳若庸衆流
一身不足惜如先大人何遂內奉母教痛戒一

切遊逸不羈事淬志尚友力脩舉子業君才本
卓絕稍加脩持即迴軼流輩督學月溪陰公拔
之正學書院屢試高等尋命纂脩 世廟實錄
率當意指無何應 詔克恩貢嘉靖丙子舉本
省鄉試上春官遊胄監所交遊皆字內賢俊無
論南北凡素所景慕太史先生者聞君在輒欲
一覩既得覩輒又皆器重君謂太史所抑蓄未
洩者行且於君見之也顧數竒三試南宮不第
乃慨然嘆曰人生朝露耳乘時構會亦各有數
丈夫生不媿履行出不負明時已矣而必兀兀

待窮年耶輒投牒天曹試知山西聞喜縣事縣故凋敝難治君乃訪古治鄴之法繩之嚴限以完積逋覈學田以懲豪佃正王棒子殺主之罪而七人之誣遂釋論郭攢思趙登臺未發之奸而即幡然易行大都與民畫便事而痛抑強禦畧不翫貫且素性不喜媿阿見同事者諂事上官輒怫然責善不少諱以故同事者忌之而陰為中傷媒矣賴司銓者廉其才量調直隸靈壽縣靈壽為畿輔近地持斧使視外省倍之司牧者率以為難君懲前事乃又訪古治蒲之道臨

之釐馬政飭鹽法招流賑饑鑿鑿咸有實政又明斷著聞鄰封胥願負成計所活十有八人真順廣大田糧屢均未明撫臺賈公檄君摠釐之君乃詢謀畢慮剔弊定額四府民胥愜然稱永賴焉疏上 欽賞白金一十二兩蓋異數也以故賢聲赫赫起而君亦自謂志可大行矣顧以劬勩積勞一疾不起嗟乎惜哉卒之日士民號泣若喪父母洎櫬歸哭送數十里不可以覘民情邪梅客生謂其能為靈壽者乃其不能為聞喜者子秀之才可睹已斯其知小山君哉籍令

天假之年即彼其才猷功業名位可量邪嗟乎
惜哉君豪宕不羈人也又負才學自高人望之
每謂其難近及與之處則見其坦然恢豁無他
腸即無弗敬且慕焉又喜任俠食客常數十人
幾傾太史產間有以狂悖加之者是豈知君者
邪君常恨不逮事太史公日敬事繼母季喪葬
如禮人不知其非所出也姊孀無依則為居養
之撫育諸甥如已子周恤姻黨婚喪胥懇懇從
厚蓋皆體太史意也至若校讐重梓太史全集
及購太史撰著手筆即數百金不恤又自慊慊

汲汲欲續太史未竟事業不屑屑為生計其孝
敬篤至類如此語云觀人取其大節今觀小山
君不益信邪當其幼未立時康氏系如綫耳君
屹然振起世其科名而太史公隱德雄文曄然
重新則君亢康氏之宗詐可以近小論邪漢陂
公嘗作子寬志謂其六世祖尚書公有大功德
於世子孫未能厚食其報太史公雖大魁天下
顧未久即以讒廢及子寬穎悟絕人人以為振
康氏者在斯人矣孰謂其遽早世也蓋誠悼之
云嗟乎小山君既已強仕蜚聲矣孰謂其又若

是止邪所幸君有子五人能讀其遺書而孫枝
又蟄蟄未艾是尚書之後有太史太史之後有
小山小山之後當日繁衍盛矣是天有以昌康
氏以理卜之非謾說也君故武功人其世系詳
在太史先生志碑中君生於嘉靖十三年七月
初七日卒於萬曆十五年三月十九日得年五
十有四所著有小山集詩學漢魏盛唐文肖太
史公足稱不朽云娶乾州丘氏先卒繼娶邑人
張氏生五子長堯民例貢國子生娶党氏舜民
邑諸生以父背弃哀毀成疾卒娶扶風周氏禹

民娶隴州閻氏湯民聘王氏今民聘張氏一女
適布政司知印乾州丘士志孫男子四鳳堯民
出鵬鸚舜民出多禹民出孫女子一未字堯民
等將以萬曆戊子十二月某日葬君新阡乃持
狀過余山居泣拜請銘小山君與余季子師仲
同舉於鄉誼不可辭也銘曰

嗟嗟小山古所謂豪傑士邪顧其跡似狂而繩
趨尺步者乃不識其異邪嗟嗟小山瀟畜欲詞
善繼父志胡天縱其才復抑其仕竟不假之年
俾振厥世邪嗟嗟小山政試牛刀文傳剖劂宜

爾子孫適稱不匱鬱彼新阡山縈水滙百千年
後過者嘆曰此有明康太史之英嗣皇皇厥聲
又孰謂其終閔爾邪

明贈文林郎直隸盧龍令北作武公暨配
封太孺人王氏合葬墓志銘

勅贈文林郎盧龍令北作武公卒且葬廿有五
年矣厥配封太孺人王氏卒冢嗣興周君改卜
山河原之陽將於萬曆戊子十二月六日啓公
壙合葬焉乃飲泣具狀介其子用望詣余問銘
用望嘗從余遊余故習聞其世行義曷可辭按

狀公姓武諱守正字端甫別號北作先世山西
陽曲縣人國初諱彥璋者始遷關西寧州可耕
里占籍焉彥璋生智智生儀儀生聚有聚有生
世榮別號東山質淳識博以練刑名任四川都
司斷事九年例當考績擢矣乃飄然歸里當道
賢而獎之配陳氏舉六子北作公其仲也公生
而侗儻有智畧初業儒旣以病廢顧家值中弱
東山公欲其引例為掾公乃投筆起曰丈夫不
幸病廢書史無緣托迹青雲即明農隴畝亦足
砥礪名節獨柰何為乃筆事耶於是力田持儉

與僮僕同甘苦居數年家日饒裕乃雅好施予每春耕肯里中有不足者即發粟調之或貧不能償輒置而不問歲終則設醮折券焚之里人稱義焉然尤孝友無論生平色養承歡無不當東山公意者當東山公宦蜀時公為家督未嘗以財入私室而於諸弟又皆怡怡懇懇教之成立後東山公為諸子析產產固公歎成者乃竟以屋讓諸兄弟而坦然澹泊自居焉然又有解紛才猷雄里中里中有不平者輒質於公公為剖之遂帖然服不以干有司其好脩質直為閭

里推重類如此公嘗自憤病廢舉子業乃日嚴督興周君奮志於學興周君竟克繼志而公顧溘焉先逝矣悲夫配太孺人王氏直寧縣處士汝舟女也性貞慧甫笄歸公公伯仲六人伯兄業已析居諸弟皆幼孺人歎操井曰織紉勤奉舅姑舅既宦遊諸弟婦皆孺人助公為之婚娶昫昫雍雍以故宜於公得舅姑歡也後姑病且革孺人拮据侍湯藥無怠每中夜輒焚香長跪籲天以身代聞者感嘆且羨焉蓋謂武門有孝婦云無何北作公卒孺人苦節九熊督興周君

學嘗泫然泣曰而父終身田舍抱歎九泉而顧
不思所以自振哉君感泣淬勵遂舉孝廉授太
平令以才調盧龍陞濟寧府同知當在盧龍時
考最獲 勅贈北作公如其官封王氏為太孺
人譚者謂孺人慈訓之功居多矣且也豐享祿
養壽躋耄耄有兩臻皓鶴之祥事詳君所狀行
實中向非節孝感召能有是哉君子曰天人之
際不容誣矣北作公生正德甲戌三月十三日
卒嘉靖辛酉閏五月廿日年才四十有八孺人
生正德辛未十月四日卒萬曆乙酉九月廿一

日年七十有六長子式先卒娶陳氏次即成山
東兗州府管理運河同知左遷 肅府長史先
以知縣績 勅授文林郎娶王氏封孺人次茂
早卒娶邵氏女二一適張應儒守節廿餘禩矣
一聘吉邦梓卒孫男五長用望補學官弟子負
娶故襄陽府太守芹谷呂公子太學生勅女成
出次用召娶葛氏茂出次用畢娶吉氏式出次
師望俊望成出孫女四一適廩生呂廷和一適
卞思魯一字王言式出一適廩生周旻成出魯
孫男二蘭哥用召出朝哥用畢出魯孫女一嗟

乎北作公積善早世若有遺憾而孺人苦節訓
 子慶衍孫支足報夫君於地下而公之餘體亦
 自昭昭若存矣故於狀中所論隱德細行不具
 述迺特取其孝友節槩夫媚媿美有關綱常足
 垂永世者如此云銘曰

隆隆北作孕乃媿人胡年不遐胡德未伸婺星
 映室媿體孟母懿訓起家堅貞自負疑疑賢嗣
 蟄蟄蘭孫式穀繩武屹屹云云瞻彼山河環北
 其陽闕乃玄室雙壁同藏孰促於前孰昌於後
 山媚川輝百祿是湊嗟嗟人耶天耶孰謂天果

難謀而人定則勝者玄耶

明處士馬靜甫墓志銘

夫士克安土洵脩猷立塵壻之外即布衣可以
 抗王公名沒世謂足聲施無窮為君子所樂道
 非邪嗟乎余觀於靜甫處士之狀輒蹶然嘆且
 羨焉遂為志而銘諸墓處士名恬字靜甫生平
 不喜以號稱故人亦無敢號之者父諱自勉號
 懋菴相國文莊公兄也官京兆別駕致仕今八
 袞餘飄飄若仙人種德貽謀即百歲不啻焉配
 楊氏生子男四靜甫其叔也靜甫生而敦龐寡

言事或稍不當意即面赤自訟見他浮詭不義者輒掉臂去若將浼焉京兆公初業儒泊授文學累遷京兆往來鄭衛燕趙之墟獨靜甫侍而菽水間關餘二十年未嘗有懈心恒情又居宦邸不免為私財矧孟兄慎為家督仲兄忱季弟協業舉子而靜甫崇讓篤友于其間怡然淡然未嘗有覬心然素善為生計好施予里中不給者稍稍就貸靜甫不厚責償人以此德之亡何穀頓起郡內及諸鄰封墓其義稱貸者日填門久之積穀數千石里中賴以舉火者不啻數十

家比歲關中大饑穀價騰湧蓋藏之家多乘時射利靜甫獨出責如常族黨里人賴以存活者衆間或負且貸焉亦皆憐而與之未嘗有厭心當是時 朝廷下令凡庶人輸粟百石者予冠服人或以此勸靜甫靜甫謝曰吾既不能以業儒起家即終身布衣分也顧以贏餘微盛典吾愧之竟不就世稱殷富豪於里中者類氣盈越禮厚於自奉而視宗黨若秦越者豈尠也靜甫則自視歛然終其身唯冠齊民冠衣布縷出則徒步即途遠須乘亦駑馬一僕爾矣不自知為

相國猶子亦不知其為貴介子也居常儉於自奉至養父母樂兄弟燕嘉賓則極洗腆未嘗有恡心孔子稱富而好禮子夏謂篤倫者為已學靜甫其庶乎嗟乎世之號為業儒者誦詩書獵金紫不可以指計而能如靜甫獨立塵壒外不為勢利移易者有幾君子曰有德若此顧不足以敦俗風世邪即壽躋期頤可也乃今溘焉已矣嗟乎惜哉靜甫生嘉靖十五年七月二十六日卒萬曆十八年二月二十五日享年五十有五娶陳氏耆老嘉正女子男一檢州學生娶張

氏大名府通判思齊女女一聘散官張源潔子其孫男一常壽京兆公卜以某年月日厝靜甫於祖塋之次先期命其孫檢持狀來問銘嗟乎余嘗同文莊公讀書中秘而兄事京兆公最久以故習聞靜甫之懿行如狀所云云者亦詳且核矣揆諸誼又烏得不銘銘曰

龍池之西沮水之南有律其阜滄鬱蜿蜒佳城載闢爰依爾先孰謂未學厥履靡愆孰謂巖居名著兩間為富而仁體受歸全慶流身後瀟瀟千年

明德壽武翁墓志銘

萬曆乙未嘉平四日選部郎叔卿武君將葬其
大父德壽翁乃先期過余山居請曰先大父歿
十年而未歸窆窆也諸孤日夜涕泣在念矣獨
以大母劉先大父歿就窆幾三紀諸孤亟圖合
葬而堪輿家謂歲久不便開壙乃今卜兆於村
南二里許用襄厥事謹錄遺行徼惠於長者誌
銘之則先大父歿且不朽矣余惟潼渭封壤相
接嘗習知武氏奕世之善而余季男師仲又與
選部君姻聯倚玉誼烏可辭按狀德壽翁諱承

訓字克修先世居白水之恒寨洪武初高祖諱
進禮者始徙臨潼廣陽鎮籍焉鎮在清之北沮
之南兩水環抱中據其勝進禮生祖志祖志生
六子行三曰景聰景聰生鉞娶李氏生德壽翁
及其次承誨承教翁生而強毅有才幼讀書穎
解名里塾尋以其父循循舉子業不問家人生
產乃代領家政翁蓋曰為儒不售必難中廢而
妨遷業藉我白首鄉校一株守前修之為孝孰
與竭力耕田之逮大人存也遂力農顧產僅百
畝猶然未贍無何以所配劉婉懿勤儉事舅姑

善家人宜之足免內顧則又出服賈往來晉魏
河洛間歲得子錢盡供菽水不以勤二弟又未
嘗有私蓄焉以故月旦評者稱孝友云久之食
指眾兄弟始異爨而產益寡乃復率臧獲耕耨
益力劉亦益務勤儉佐之家稍裕翁即失不為
儒然性喜誦讀諸史外旁及醫相稗官家言亡
不涉獵究其大義其視世儒假顛門以自好而
殊無事事者何啻相萬翁庾無多歲而好施予
劉又最慈惠憐貧多所拯濟夫人情走利如鷲
亡論家才無廢著彼有累巨萬而忍不能恤人

之急者視此又何啻相萬其斯以為仁人君子
與嘉靖乙卯地大坂里中死者強半獨翁家得
免識者謂為積善之徵云翁素健良食恬然無
他虞年六十劉忽以疾逝繼娶何亦善理中饋
事而嗣公又克家自是恒杜門靜攝或策杖壟
畝適然自適者三十年一切不關外事矣維時
親舊相訊輒止之飲飲輒竟日時時與子孫稱
說史傳洎先世懿行以示誠勉且終其身無懈
焉先是嗣公為諸生以疾歿翁年八十有八矣
蓋誠傷之云居二年忽一夕暴痢歷旬日不起

矣終之日在萬曆丙戌十二月二十八日距其
生弘治戊午六月二十六日得壽八十有九顧
不謂上壽邪然使嗣公長年養志無感翁心則
百歲不翅也乃今已矣聞者猶不能無遺憾焉
翁嘗語諸孫曰吾生逢盛世沐太平餘潤垂老
無他覬獨吾族六世來無以仕進顯者今若曹
為青衿子有聲博一第當不難吾及見此足矣
孺子勉之洎銓部君對公車而翁顧不及見也
惜哉翁生子一諱某劉出為邑諸生以選部君
令江都最 贈如其秩取賀氏贈孺人女三一

適丁汝東一適王守徵一適常州府通判楊沛
之子貢生斯達俱劉出孫男四曰之旦附學生
取丁氏之奩廩生取駱氏繼取王氏之望吏部
文選司主事取楊氏封孺人之适取丁氏俱賀
出曾孫六曰夢麒聘某女之旦出夢龍之奩出
夢麟聘某女夢熊即聘余男翰林庶吉士師仲
女者之望出夢鯉夢鰲之适出曾孫女三一宇
富平縣劉振江之子某出二幼某出嗟乎余觀
德壽翁之制行流芳而知天人之際不容誣矣
夫人澡德脩行則天必予之鑒以顯名當世間

有不在其身在其子孫者無乃數有遲速乎而
揆諸感應之理則竟毫釐莫爽也嗟乎維翁孝
友成性耕讀貽謀卒躋上壽永享令名且麟趾
鳳毛振振未艾而潛德幽光昭灼寰宇然則天
佑善人誰謂不于常邪翁生於弘治間有朴素
風故不以號稱既歿而鄉評追慕之也乃稱為
德壽翁蓋若私謚云銘曰

於維武氏奕世有翁蚤年遜志翩翩儒風壯營
菽水乃賈乃農勤儉起家孝友有終維天眷德
上壽是膺陸沉里閭以昌厥宗誰其昌者銓郎

顯庸矧伊孫子繩紲無窮瞻彼清澗灑灑冲冲
中開壽域屹屹隆隆維靈斯妥維澤斯洪後有
識者乃感乃興

明贈文林郎楊次公暨配贈孺人張氏合
葬墓誌銘

楊次公既與張孺人後先捐館舍時胤子女若
令南充數月耳適公訃至女若痛幾絕念父不
逮就南充養猶可藉南充長老圖不朽則徵公
志于任太史翰方奔在塗乃又聞孺人訃則又
痛幾絕曰天乎傷哉既倏奪我父曷不令我母

須臾待訣耶天乎傷哉君子聞而悲之女若歸
卜兆于村居南一里許合葬以銘屬余謂余辱
肺附獨習公與孺人深願余暮年抱疴未能擗
管既葬而闕焉忽六逾年所女若以官閭中最
贈公如其秩張得稱孺人云又三年而女若擢
御史擢淮上鹽矣間嘗促余追誌之余憐其孝
思甚殷也乃誌曰公姓楊諱國富字希教別號
沃田上世故渭南津賢里人元末有遠祖諱成
甫者徙家滴西坊中成甫生平平生岳岳生惠
以文無害為彭山糾曹葺孔廟底績再歷孝義

以才聞惠生鶚負雋才業儒名諸生間配秦氏
生伯氏世富及公繼室趙生季崇富公生而美
羊儀性警敏嗜學少失怙恃家聽伯兄督獨就
外傳肄業蕭寺中弱冠補博士弟子嘗從先大
夫姜泉公遊屬文多湛思極要眇之致先大夫
固重許可獨亟口公授弟子室里中久之兒輩
洎他少年新進出公講下者以次取第如拾芥
公獨應省辟者數數不利及女若稍長知敬業
昵不欲就外傳然欲授二戴禮公雅治詩至是
兼治禮口授之指且撫之曰楊氏之先不之令

德而未有報其在孺子乎不然何以使善者勸
歲癸酉女若年十九舉於鄉第十人當偕計赴
公車公將之往歷太行涉大河徘徊燕趙之墟
感今懷古不勝咨嗟既入都得縱觀 宮闕官
儀之燁萬邦朝會之盛乃襟度愈恢恢乎而圖
南之志未艾也歸而益憤然下帷躬督女若學
而公竟弗售迺嘆曰丈夫生不逢年則蓬累而
行柰何芥蒂一第坐自朽腐安所稱達者貴自
我之義於是不應有司辟日與諸故友野叟班
荆隴畝間且旦莫遇角里黃石之屬譚道養真

不為世羈飄飄然若有所得也者歲丙戌女若
成進士奉 命宰南充過家省覲公告之政大
歸率愛民下士第母自黷法縱奸耳公既為進
士父矣蔬布無易每出入唯安步里閤中嘗語
人曰將無挾兒輩尊寵轍迹畏人乎蓋公性廉
介恥夸毘媿阿然遇人坦率煦濡或有大忿爭
曲直一聽公解免亦不必人人嘗施所嘗施未
問報焉初公念父母早世惟伯氏是依伯氏老
無孁令女若執事父禮惟謹已而伯氏疾革以
產屬公意不欲予季公佯諾竟予季其半無所

清上經系 卷十 三十
私二女弟俱少孤值家中落勉為具筐篚于歸
其恭事孀嫂終其身無怠心夫非其孝友天性
能然哉孺人姓張氏父九命以德壽賜爵一級
母柳氏孺人性端懿幼閑女訓既適公乃遭家
中葉內政一聽嫂氏總持而井臼操作悉身任
之不易寒燠脫簪珥佐公卒業公所受弟子伏
臘脩貽伯氏供具孺人亦輒鷄鳴起視具無少
厭歷夫及乎屢困於第曰命也一無愠色及女
若第稍稍致綺縞甘毳上孺人孺人猶然椎布
蔬食無豔榮貴意先是女若當之官固請奉二

尊人行孺人與公固辭曰不欲以祿養累孺子
也乃孺人尤獨讓以孀嫂行矣即達倫義之丈
夫曷以加哉嗟乎是宜並躋期頤弗啻者詎意
其夫嬾相次以謝耶然其相夫躬行孝義偕得
正而逝彼世之碌碌期頤而名無稱者視此得
失為何如邪公生于嘉靖甲申正月九日以萬
曆丁亥三月二十六日卒孺人生于嘉靖癸未
十一月二十四日後公四十日卒男一即女若
名光訓丙戌進士山東道監察御史娶裴氏贈
孺人邑大叅公慧曾孫朝卿女朝卿余之內弟

也繼娶李氏封孺人富平中丞公宗樞子學生
鰲女乃余之甥也顧生即失恃鰲病心無與禳
祿余撫之周至不知非已出孺人善事余亦若
不知更有李者而女若執子壻禮更懇懇非恒
情埒余獨媿且悲焉女一靜適邑人李光采孫
男一攀娶任氏邑人國效女表出孫女二龐許
字諸生田可久子疇樸許字進士史記事子若
野俱李出兩華子曰公質行君子任公所次論
軼事具是矣余徃見公言易數每每竒中及觀
所論先世多令德食報若持符竹豈以其修道

養壽脫然于造事之外而知幾其神乎非推驗
之術明矣張孺人以名族子甘荼習蓼相楊氏
更造其子以仕顯而不易布素且讓孀嫂就養
宦邸可不謂難乎語有之天道無親常與善人
女若冠柱後持天下風裁勛名莫可勝量所從
來遠矣是為銘銘曰
德是符而智以神達是際而守以迤抱素含真
參百世而成純於乎孰屈孰信孰章孰湮豈蒼
蒼之無親兮宜爾子孫振振兮

渭上續稿卷之十

[Faint bleed-through text from the reverse side of the page]

渭上續稿卷之十一

關中南軒叔後甫著

祭文

祠堂成告祖禰文

維萬曆十有三年歲次乙酉仲冬丁酉朔越十有八日甲寅玄孫四川按察司副使致仕南軒謹即新祠爰陳薄薦敢昭告于顯高祖考慶士府君顯高祖妣王氏顯曾祖考慶士府君顯曾祖妣緱氏顯祖考加贈奉政大夫戶部雲南司郎中府君顯祖妣加封太宜人焦氏顯考山西

按察司副使進階中議大夫贊治尹府君顯妣
加贈恭人李氏神主曰大夫得祭四世 昭代
之令甲攸存宗子得奉先祠隆古之典常莫易
限於分而強為則僭合乎 制而弗備則弛均
不足安先靈申孝思也軒也學古入官既叨大
夫之後承家繼禰又忝宗子之行輒敢遵

制建祠緣情飭禮稽工會已落成載卜幸其協
吉乃遂肅陳神位奉安幽靈時嚴陟降不無霜
露悽愴之懷志切感通寔極焄蒿著存之想懇
惟我列祖暨我考妣垂鑒微衷永錫篤祐即子

姓百世自當食德源源永圖報稱無斁矣奚翅
儀文之備云尚饗

祭封君楊沃田文

維萬曆十有五年春三月廿有六日封君沃田
楊先生卒於漕西里第夏五月五日先生配張
氏孺人卒時其子光訓以進士令南克獨其幼
孫攀伏在靈側於是光訓之外舅四川按察司
副使致仕南軒臨吊揮泣與理殮殯事無何會
光訓奔歸乃始薦羞酌酒伏几哭奠焉而感緒
則未盡吐也越明年正月廿有二日會光訓圖

襄合窆事乃復先期乙巳率季男舉人師仲長
孫生員居益祭用少牢侑以俚詞伏柩而哭之
曰余聞有德必壽福廼遐昌人定勝天命斯有
常胡於先生顧有不盡然者邪於繹乎慟哉先
生績學稱邃而數則竟竒樹德稱懋而壽則未
期中饋媿美而皈玄同時麟趾發祥而怙恃並
離豈脩於人者尚未定而命於天者不足謀邪
抑大旱之後毒疫橫流遂使二豎肆靈玉石莫
辨邪於繹乎慟哉緬惟往歲泥金輝祀人謂先
生業究在子志暢神怡百年奚止胡廼祿養未

幾而溘焉長逝邪縱使天道忌全胡至理宜偕
老者廼即脩然偕逝邪於繹乎慟哉軒情切倚
玉誼重斷金夙懷管鮑白首雷陳慨相期之未
艾胡今遽聞其徽音豈哲人之厭世抑鄙人之
不幸邪老懷將誰與傾幽抱將誰與適邪於繹
乎慟哉先生暨孺人之懿行自有名公志諸貞
珉矣余曷能贊一詞第執紼有期幽明永別悽
風颭至慘其如裂故特寫乎悲痛之懷以侑苾
芬之脩潔惟是夫婦並躋兮中壽雙璧同沉兮
輝在矧鳳雛兮振翮將橫飛兮四海紛蘭芽兮

方興永式穀兮靡改羗源流兮探源瀟淵泉兮
有待維先生兮身後衍餘慶兮百載如是雖謂
先生未亡可矣余又何慟邪先生生為正人歿
當為明神其亦鑒余之慟而且諒余之慰否邪
尚饗

祭南嵐劉年兄文

萬曆己丑正月十有一日崇府左長史進階亞
中大夫南嵐劉公卒于官邸亡何靈輻西歸道
經渭上維時四川按察司副使年弟南軒即位
以哭越辛卯正月五日冢嗣運使君將窆公萬

年之宅余以老且病不能匍匐往會迺先期令
季男舉人師仲奠焉同袍關情欽風軫結爰庀
牲醴載陳蕪辭辭曰嗟崑崙之峻嶺兮巨黃河
之滌泗頰涇渭之冷冽兮帶二華之崔嵬迷者
既莫可跡兮羌延佇而徘徊維公毓靈而產鹿
苑兮洵好脩而名世騁逸足于曲江兮眎千里
其不啻朝獻賦于金臺兮夕橫經于上黨厭大
道之秦蕪兮孚孔周于夢想既有造于多士兮
維賢聲之楹宣分銅符于義寧兮紛萬戶之歌
絃清苑俾以監郡兮綜軍旅而稱最醜虜望威

以奔北兮仰 皇王之大賚念世路之嶮巇兮
甘閒局以徜徉載作傳于汝南兮岌董賈之遺
芳苟吾志之足適兮何散要之足論也儻浮沉
于通津兮非斯世之所珍也惟 王賴其夾輔
兮膺 紫誥之駢錫感 寵渥而圖報兮歷卅
載而豎勩惛倦游而乞骸兮美德望之方殷竟
騎箕于激水兮 王灑泣于國門曦輪影匿而
晻曖兮梗楠數竒而遭折美喆人之弗穀兮空
江海之濔沱余豈不知古希之踰旬兮歎老成
之淪亡曠吾生其何慙兮順二炁以敷鷄矧冢

嗣勲庸之未替兮孫芳名之不匱慨孰存而孰
歿兮抑孰顯而孰晦紛哭匄之嘈嘈兮仰高天
之蒼蒼傷令子之惇惇兮選飛雪之茫茫悽丹
旒之蕭蕭兮投青眼之浪浪望陽陵之轟轟兮
隨東派而洋洋猥不穀之惚惚兮念附驥于夙
昔既俛俛乎色咲之睽違兮又重之以永隔維
執紼之縈懷兮牽衰病之無那戒牲芻于百里
兮握彤管而噉些諄曰氣黯灑兮玉樓成厭世
俗兮朝帝京發鼉鼓兮曳篳旌乘鳳輦兮駕彩
雲摧霸岳兮渴滄溟追貽愛兮憶光塵悵逍遙

渭上續稿卷之十一
五
兮亡旋旌瞻華表兮空霍聲勒琬琰兮維勛名
光三葉兮垂后昆魂雖逝兮道猶新彼罔生兮
徒泯泯儻薄鑒兮予微誠冀來奔兮塞天昏

渭上續稿卷之十一

書大人續稿後

先是癸未仲出大人稿篋中與弟
姪暨大人門下士彙鐫以傳蓋十
越歲年矣白駒屢遷緗帙載富緣
大人怡神冲漠游思博綜左圖右
史垂老彌篤且丐言者踵接于門
大人誼不獲辭每為搦槩而觸物
比興六韻時賡十季來著述非一

種數茲特取其詩若文也者倣前
彖例裒次成編題曰續稿方事殺
青迺侯君子建自晉中貽書渭上
且曰僕不佞羈在遐方不能時奉
吾師杖屨第吾師眇言緒論聞且
倍于誰咎僕願効剗刷以藉不朽
子慎毋秘之令吾黨有異聞之誚
也仲嘉侯君之請遂舉成書以應

使者而載言于後昔尼父自謂忘
食忘憂不知老之將至今大人七
十六春繩矣而上下古今蒐羅萬
象源自垂髫爰及戴白誠如一日
于尼父有遐想焉只今精神完固
筋力強健行將千百其季不唯篇
翰宏博即人子愛日之心或可自
慰也夫

萬曆壬辰長至日李男師仲百拜
謹書

書王父續稿後

家王父詩若文若干首李父續渭
上稿篋之而命余小子校焉蓋余
小子少孤從季父事王父即所交
多大父行知王父少遊金馬中歷
四方晚就巖壑所著述渭上稿具
矣今季幾八袞枕經藉書猶然不
廢沿輒積歲成帙季父以友人意

再請付梓且曰晉太史公自敘欲
藏其書於名山大川蓋慨世知者
稀而後裔莫能廣其傳姑以托之
山川以俟來世夫文章不朽盛事
苟可以傳是吾子若孫者之責何
必名山大川深閼而長闕之使等
於土石哉嗚呼此季父意也余小
子何知焉第令先君子而在凡所

為事王父傳不朽者當必與季父
共之余小子亦勉就先君子之意
云爾

萬曆壬辰長至日長孫居益百拜
謹書

論語

論語子罕篇第九

子曰

吾欲夏禮



